


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-9	At-Taubah	129	16	Madaniyyah	Ke-113	5



Zaman Turun Surah at-Taubah Dan Latarbelakangnya

Pada bulan Rajab 9 Hijrah, Rasulullah s.a.w. telah keluar membawa satu pasukan tentera berjumlah 30,000 orang untuk berperang dengan Qaisar Rom di sebelah utara. Baginda berangkat bersama pasukan itu ke Tabuk tetapi Qaisar dan bala tenteranya tidak datang. Rasulullah s.a.w. menetap di sana selama 20 hari. Negeri-negeri Kristian yang kecil-kecil di bawah jajahan Qaisar telah bersedia memberi jizyah sebagai tanda ketaatan mereka kepada pemerintah Islam. Rasulullah s.a.w. berangkat pulang pada bulan Sya'baan 9 Hijrah. Bahagian kedua Surah at-Taubah diturunkan pada bulan Rajab 9 Hijrah sehubungan persiapan dan persediaan untuk berangkat ke Tabuk. Bahagian ketiga Surah at-Taubah diturunkan pada beberapa waktu yang berlainan ketika pulang daripada perang Tabuk. Dan bahagian pertama Surah at-Taubah merupakan yang paling akhir diturunkan. Ia diturunkan pada bulan Zul Qa'dah 9 Hijrah sebelum umat Islam mengerjakan haji. Perintah mengerjakan haji dan hukum-hukumnya mula-mula sekali disampaikan oleh Abu Bakar sebagai amir haji, setelah itu, beberapa hukum tambahan disampaikan pula oleh Sayyidina 'Ali. Ia disebarluaskan sebagai perisytiharan umum dalam perhimpunan besar orang-orang musyrikin Arab. Surah at-Taubah turun pada 9 Hijrah. Pada bulan Rajab 9 Hijrah, perjalanan untuk peperangan Tabuk telah bermula.

Ayat 113 bagaimanapun diturunkan di mekah pada tahun ke-10 Kenabian berkenaan dengan Abu Thalib, di dalamnya terdapat larangan mendoakan keampunan untuk orang-orang musyrikin.

Penurunan beberapa ayat Surah at-Taubah secara terpisah adalah seperti berikut:

1. Ayat 1 hingga 12 diturunkan pada 9 Hijrah sebelum orang-orang Islam mengerjakan haji, berkemungkinan besar ayat 25 hingga 28 dan 36 hingga 37 juga diturunkan pada masa itu.
2. Ayat 13 hingga 24 diturunkan di permulaan tahun ke-8 Hijrah sebaik saja terbatalkan perjanjian damai di Hudaibiyyah.
3. Ayat-ayat 29 hingga 35 berhubung dengan jihad dan jizyah terhadap Ahli Kitab turun sebelum peperangan Tabuk yang berlaku pada bulan Rajab tahun ke-9 Hijrah.
4. Ayat-ayat ke-38 hingga 41 turun berkaitan dengan persiapan untuk peperangan Tabuk, di dalamnya tersebut galakan dan gesaan supaya berjihad.
5. Ayat-ayat 42 hingga 127 diturunkan pada akhir tahun ke-9 Hijrah ketika Rasulullah s.a.w. kembali dari peperangan Tabuk, kebanyakan ayat-ayatnya berkenaan dengan orang-orang munafiq.
6. Dua ayat terakhir iaitu ayat 128 hingga 129 turun di akhir tahun ke-10 Hijrah. Di dalamnya tersebut betapa Rasulullah s.a.w. bersimpati dan mahukan kebaikan untuk umatnya, umat Islam dinasihatkan supaya menghargainya.

Ciri Khusus Surah At-Taubah

1. Sebelum Rasulullah s.a.w. wafat di Madinah, tiga surah diturunkan kepada Rasulullah s.a.w. pada tahun ke-9 dan ke-10 iaitu Surah al-Bayyinah, Surah at-Taubah dan Surah an-Nashr. Dilihat dari segi tartib turun surah-surah tersebut, Surah at-Taubah merupakan yang paling besar dan terakhir diturunkan di Madinah.
2. tidak dituliskan di permulaan surah, daripadanya terbukti dua perkara: (1) Al-Qur'an yang ada pada hari ini masih terpelihara seperti asalnya di zaman Rasulullah s.a.w. sebagaimana yang ada inilah. Ia dituliskan mengikut perintah dan arahan Rasulullah s.a.w. (2) Di dalam Surah al-Anfaal sebelum ini telah dinyatakan adab-adab jihad, kelebihan dan juga faedahnya, di dalamnya juga tersebut hukum-hukum perang dan damai. Di dalam Surah at-Taubah ini pula terdapat perintah supaya berperang dengan orang-orang musyrikin dari kalangan Bani Isma'il, Ahli Kitab dan juga orang-orang munafiq. Dari sudut perhubungan antara kedua-dua surah terdapat perkaitan yang rapat, kedua-duanya berkaitan dengan jihad.

Perkaitan Surah At-Taubah Dengan Surah Sebelum Dan Selepasnya

1. Di dalam Surah al-Anfaal sebelum ini disebutkan tentang falsafah jihad, galakan berjihad dan adab-adab jihad, di dalam Surah at-Taubah ini pula disebutkan tiga golongan (orang-orang musyrikin, Ahli Kitab dan munafiqin). Umat Islam diperintahkan supaya memerangi mereka dengan bersungguh-sungguh.
2. Di dalam Surah Yunus selepas surah ini nanti sebelum berjihad disebutkan syarat-syarat jihad. Jihad tidak akan menjadi kenyataan tanpa adanya kepercayaan yang penuh terhadap 'aqidah tauhid, kerasulan dan akhirat. Perkara ini dikemukakan berserta dalil-dalil yang kukuh.

Beberapa Kata Kunci Dan Tema Utama Surah

1. Kesalahan-kesalahan dan jenayah-jenayah yang dilakukan musyrikin Mekah didedahkan dan orang-orang Islam diberikan panduan dalam menghadapi mereka:

(a) Setelah orang-orang musyrikin Mekah melanggar perjanjian damai Hudaibiyah, dinyatakan pembatalan perjanjian dari Allah dan RasulNya terhadap mereka. (Ayat: 1)

بَرَآءَةٌ مِنَ اللَّهِ وَرَسُولِهِ إِلَى الَّذِينَ عَاهَدُوا مِنَ الْمُشْرِكِينَ ⑤

(b) Pada tahun ke-9 Hijrah orang-orang musyrikin Mekah diberikan kata dua selama empat bulan. (Ayat: 3)

وَأَذَانٌ مِنَ اللَّهِ وَرَسُولِهِ إِلَى الْقَاعِدِينَ يَوْمَ أَلْجَعَ الْأَكْبَرَ أَنَّ اللَّهَ بِرِيقٍ مِنَ الْمُشْرِكِينَ وَرَسُولٌ

(c) Orang-orang musyrikin yang tidak melanggar perjanjian damai Hudaibiyah diarahkan supaya membiarkan mereka hingga habis tempoh perjanjian, ini adalah salah satu polisi luar negara Islam. (Ayat: 4)

إِلَّا الَّذِينَ عَاهَدْنَا مِنَ الْمُشْرِكِينَ ثُمَّ لَمْ يَنْفُضُوكُمْ شَيْئًا وَلَمْ يُظْهِرُوا عَلَيْكُمْ أَحَدًا فَأَتَمُوا إِلَيْهِمْ عَهْدَهُمْ إِنَّ مُّدَّتَهُمْ

(d) Orang-orang musyrikin diberi amaran bahawa selepas empat bulan mereka akan ditangkap dan dibunuh, jika mereka menerima Islam lalu bersembahyang dan memberi zakat maka tindakan ketenteraan terhadap mereka tidak akan diteruskan. (Ayat: 5)

فَإِذَا أَنْسَلْنَا الْأَشْهُرَ الْحُرْمَنَ فَاقْتُلُوا الْمُشْرِكِينَ حَيْثُ وَجَدُوكُمْ وَخُذُوهُمْ وَأَخْصُرُوهُمْ وَأَقْعُدوْهُمْ كُلًّا مَرْضِدٌ فَإِنْ تَابُوا وَأَقْامُوا الصَّلَاةَ وَأَتَوْا أَزْكَوْهُ فَخُلُّوا سَبِيلَهُمْ

(e) Jika orang-orang musyrikin atau bukan Islam mahu mendapat kebenaran daripada negara Islam untuk masuk ke dalam negara Islam secara damai dengan tujuan mempelajari agama Islam, mereka akan diberi perlindungan dan akan dibenarkan berada di dalam negara Islam sehingga habis tempoh kebenaran untuk mereka. Setelah itu mereka akan dipulangkan ke negeri asal mereka dengan aman damai. (Ayat: 6)

وَإِنْ أَحَدٌ مِنَ الْمُشْرِكِينَ أَسْتَجَارَكَ فَاجْرِهِ حَقَّ يَسْعَ كَلَمَ اللَّهِ ثُمَّ أَبْلَغَهُ مَأْمَنَةً

(f) Orang-orang musyrikin yang menjaga dan menghormati perjanjian boleh terus berhubungan dengan orang-orang Islam, mereka bagaimanapun selalu mungkir janji. (Ayat: 7)

كَفَ يَكُونُ لِلْمُشْرِكِينَ عَهْدٌ عِنْدَ اللَّهِ وَعِنْدَ رَسُولِهِ إِلَّا الَّذِينَ عَاهَدْنَا مَنَعَنَا أَسْتَقْنُوكُمْ لَكُمْ فَأَسْتَقْبِمُوْلَاهُمْ

(g) Orang-orang musyrikin tidak diberikan hak untuk membina masjid-masjid dalam keadaan mereka sebagai orang-orang kafir. (Ayat: 17)

مَا كَانَ لِلْمُشْرِكِينَ أَنْ يَعْمِرُوا مَسْجِدًا اللَّهُ شَهِيدٌ عَلَىٰ أَنفُسِهِمْ بِالْكُفَّارِ

(h) Orang-orang musyrikin itu kotor disudut aqidah mereka, kerana itu kebenaran untuk masuk ke dalam kawasan tanah haram tidak diberikan. (Ayat: 28)

إِنَّمَا الْمُشْرِكُونَ نَجْسٌ فَلَا يَقْرَبُوا الْمَسْجِدَ الْحَرَامَ بَعْدَ عَامِهِمْ هَذَا

(i) Walaupun orang-orang musyrikin tidak suka, Allah tetap menghantar RasulNya Muhammad membawa petunjuk dan agama yang benar supaya agamaNya mendominasi kehidupan beragama semua manusia. (Ayat: 33)

٦٣
هُوَ الَّذِي أَرْسَلَ رَسُولَهُ وَإِنَّ الْمُهَاجِرَةَ عَلَى الْتَّيْمِنِ كُلُّهُ وَأَنَّ كُلَّهُ أَنْشَرِكُونَ

- (j) Sebagaimana orang-orang musyrikin bersekutu dan bersepakat dalam ketenteraan mereka, orang-orang Islam juga hendaklah bersatu dan bersekutu dalam memerangi mereka. (Ayat: 36)

وَقَاتَلُوا الْمُشْرِكِينَ كَافَّةً كَمَا يَقْاتِلُونَكُمْ كَافَّةً

- (k) Tidak dibenarkan nabi dan mana-mana orang Islam mendoakan keampunan untuk orang-orang musyrikin yang mati, walaupun mereka itu kerabat terdekat sekalipun. (Ayat: 113)

مَا كَانَ لِلنَّبِيِّ وَالَّذِينَ آمَنُوا أَنْ يَسْتَغْفِرُوا لِلْمُشْرِكِينَ وَلَئِنْ كَانُوا أُولَئِكَ قُرْبَى

2. Kesalahan-kesalahan dan jenayah-jenayah yang dilakukan oleh Ahli Kitab dan panduan untuk orang-orang Islam menghadapi mereka.

- (a) Ahli Kitab yang menjadi warga negara Islam akan dikenakan jizyah (cukai kepala). Jika tidak mereka akan diperangi. (Ayat: 29)

قَاتَلُوا الَّذِينَ لَا يُؤْمِنُونَ بِاللَّهِ وَلَا بِالْيَوْمِ الْآخِرِ وَلَا يُحِرِّمُونَ مَا حَرَمَ اللَّهُ وَرَسُولُهُ وَلَا يَدِينُونَ دِينَ الْحَقِّ مِنَ الَّذِينَ أُوتُوا الْكِتَابَ حَتَّىٰ

يُعَظِّلُوا الْجِزِيرَةَ عَنْ يَدِ وَهُمْ صَلِفُونَ

- (b) Di kalangan Ahli Kitab ada yang mempercayai 'Uzair sebagai anak Allah dan orang-orang Kristian pula mempercayai 'Isa sebagai anak Allah, kerana itu kedua-dua golongan Ahli Kitab itu patut dila'nat. (Ayat: 30)

وَقَالَتِ الْجِهُودُ عَزِيزٌ أَبْنُ اللَّهِ وَقَالَتِ التَّصْرِيَّ الْمَسِيحُ أَبْنُ اللَّهِ ذَلِكَ قَوْلُهُمْ يَأْفُوهُمْ يُضَاهِئُونَ قَوْلَ الَّذِينَ كَفَرُوا مِنْ قَبْلُ فَتَأَلَّهُمْ

اللَّهُ أَكَلَ يُؤْفِكُونَ

- (c) Ahli Kitab telah mengabaikan ayat-ayat di dalam Taurat dan Injil, mereka sebaliknya menjadikan para ahbar (ulama) dan pendita-pendita mereka sebagai tuhan yang menghalal dan mengharamkan sesuatu untuk mereka, padahal mereka diperintah supaya beribadat dan taat hanya kepada Allah semata-mata, ini bererti mereka telah melakukan . شرك في التشريع (Ayat: 31)

أَنْخَذُوا أَخْبَارَهُمْ وَرُهْبَنَتْهُمْ أَرْبَابًا مِنْ دُونِ اللَّهِ وَالْمَسِيحَ أَبْنَ مَرْيَمَ وَمَا أَمْرُوا إِلَّا لِيَعْبُدُوا إِلَهًا إِلَّا هُوَ سُبْحَانُهُ وَعَمَّا

يُشْرِكُونَ

- (d) Ahli Kitab mahu memadamkan cahaya Allah dengan meniupnya dengan mulut-mulut mereka tetapi Allah tetap hendak menyempurnakan cahayanya. (Ayat: 32)

يُرِيدُونَ أَن يُظْفِئُوا نُورَ اللَّهِ بِأَغْوِيَهُمْ وَيَأْبَى اللَّهُ إِلَّا أَن يُتَمَّ نُورُهُ وَلَوْ كَرِهَ الْكُفَّارُونَ ﴿٤٣﴾

(e) Para 'ulama' (ahbar) dan pendita (ruhban) memakan harta orang ramai dengan cara yang tidak betul, mereka menghalang orang daripada mengikuti jalan Allah, mereka sibuk mengumpulkan emas dan perak, dan tidak membelanjakannya di jalan Allah, mereka ini akan menjadi ahli neraka. (Ayat: 34)

هَيَأْتُهَا الَّذِينَ عَامَتُهَا إِنَّ كَثِيرًا مِنَ الْأَخْبَارِ وَالْهَبَانِ لَيَأْكُلُونَ أَمْوَالَ النَّاسِ بِالْبَطْلِ وَيَصُدُّونَ عَنْ سَبِيلِ اللَّهِ وَالَّذِينَ يَكْنِزُونَ

الْأَذْهَبَ وَالنِّصَّةَ وَلَا يُنْفِقُونَهَا فِي سَبِيلِ اللَّهِ فَبَشِّرُهُمْ بِعَذَابٍ أَلِيمٍ ﴿٤٤﴾

3. Kesalahan-kesalahan dan jenayah-jenayah yang dilakukan oleh orang-orang munafiqin dan panduan untuk orang-orang Islam menghadapi mereka.

(a) Orang-orang munafiq itu sebenarnya tidak percaya kepada Allah dan RasulNya, mereka bersembahyang dengan penuh perasaan malas dan berbelanja pula dengan berat hati. (Ayat: 54)

أَنَّهُمْ كَفَرُوا بِاللَّهِ وَبِرَسُولِهِ وَلَا يَأْتُونَ الصَّلَاةَ إِلَّا وَهُمْ كُسَالَى وَلَا يُنْفِقُونَ إِلَّا وَهُمْ كَلِّهُونَ ﴿٥١﴾

(b) Orang-orang munafiq sentiasa bimbang, takut-takut Allah menurunkan sesuatu surah yang membuka rahsia nifaq di dalam hati-hati mereka. (Ayat: 64)

يَخَذِّرُ الْمُنْتَفِقُونَ أَن تُنَزَّلَ عَلَيْهِمْ سُورَةٌ تُنَبِّئُهُمْ بِمَا فِي قُلُوبِهِمْ قُلْ أَسْتَهْمِعُ إِلَّا أَنَّ اللَّهَ مُخْرِجٌ مَا تَخْدِرُونَ ﴿٦٤﴾

(c) Orang-orang munafiq menyuruh orang melakukan keburukan dan menghalang mereka daripada melakukan kebaikan, mereka tidak suka berderma, mereka lupa kepada Allah, kerana itu Allah melupakan mereka. (Ayat: 67)

يَأْمُرُونَ بِالْمُنْكَرِ وَيَنْهَا عَنِ الْمَعْرُوفِ وَيَقْبِضُونَ أَيْدِيهِمْ نَسُوا اللَّهَ فَنَسِيَهُمْ إِنَّ الْمُنْتَفِقِينَ هُمُ الْفَاسِقُونَ ﴿٦٧﴾

(d) Orang-orang Islam diperintah supaya memerangi orang-orang munafiqin dan orang-orang kafir, mereka juga diperintah supaya bersikap keras terhadap mereka. (Ayat: 73)

جَاهِدُ الْكُفَّارَ وَالْمُنْتَفِقِينَ وَاغْلُظْ عَلَيْهِمْ وَمَا وَهُنْ بِهِمْ جَهَّامٌ

4. Orang-orang hulu dan badwi (A'raab).

(a) Orang-orang munafiq hulu lebih kuat kekufuran dan nifaqnya berbanding orang-orang lain, mereka lalai terhadap hukum-hakam yang diturunkan Allah. (Ayat: 97)

الْأَغْرِبُ أَشَدُ كُفَّارًا وَنَفَاقًا وَاجْتَرَأُ أَلَا يَعْلَمُوا حُدُودَ مَا أَنْزَلَ اللَّهُ عَلَى رَسُولِهِ

(b) Orang-orang munafiq hulu menganggap berderma di jalan Allah sebagai suatu beban,

mereka menunaikannya dengan menganggapnya sebagai denda dan mereka juga berniat jahat terhadap orang-orang Islam. (Ayat: 98)

وَمِنَ الْأَعْرَابِ مَن يَتَّخِذُ مَا يُنْفِقُ مَغْرِبًا وَيَرْبَصُ بِكُلِّ الدَّوَابِ عَلَيْهِمْ دَآبِرَةُ السُّوءِ

(c) Orang-orang munafiq akan diberikan azab yang berlipat kali ganda. (Ayat: 101)

وَمِنْ حَوْلَكُمْ مِنَ الْأَعْرَابِ مُنْنِفُقُونَ وَمِنْ أَهْلِ الْمَدِينَةِ مَرَدُوا عَلَى الْتِقَاقِ لَا تَعْلَمُهُمْ تَحْنَ نَعْلَمُهُمْ سَنُعَذِّبُهُمْ مَرَدَتِينَ ثُمَّ يُرْدُونَ إِلَى

عَذَابٍ عَظِيمٍ ⑯

(d) Orang-orang hulu dan badwi (A`raab) selalu melepaskan diri dari ikut serta ke medan perang dengan pelbagai helah dan alasan. (Ayat: 90)

وَجَاءَ الْمُعَذِّرُونَ مِنَ الْأَعْرَابِ لِيُؤْذَنُ لَهُمْ وَقَعَدَ الَّذِينَ كَذَبُوا اللَّهَ وَرَسُولَهُ وَسَيِّئُبِ الَّذِينَ كَفَرُوا مِنْهُمْ عَذَابٌ أَلِيمٌ ⑮

(e) Orang-orang hulu dan badwi ada juga mu'min sejati dan ikhlas (Ayat: 99)

وَمِنَ الْأَعْرَابِ مَن يُؤْمِنُ بِاللَّهِ وَالْيَوْمِ الْآخِرِ وَيَتَّخِذُ مَا يُنْفِقُ قُرْبَتِ عِنْدَ اللَّهِ وَصَلَوَاتِ الرَّسُولِ أَلَا إِنَّهَا فُزُّةٌ لَهُمْ سَيِّدُ خَلْقِهِمُ اللَّهُ فِي رَحْمَتِهِ إِنَّ اللَّهَ عَفُورٌ رَّحِيمٌ ⑯

(f) Orang-orang hulu dan badwi difahamkan bahawa dengan ikut serta berjihad mereka akan diberikan pahala untuk setiap langkah mereka. (Ayat: 120)

مَا كَانَ لِأَهْلِ الْمَدِينَةِ وَمِنْ حَوْلَهُمْ مِنَ الْأَعْرَابِ أَنْ يَتَخَلَّفُوا عَنْ رَسُولِ اللَّهِ وَلَا يَرْجِبُوا بِأَنفُسِهِمْ عَنْ تَقْسِيمٍ ذَلِكَ بِأَنَّهُمْ لَا يُصِيبُهُمْ ظُنُّوا وَلَا نَصَبَ وَلَا مَخْصَصَةٌ فِي سَبِيلِ اللَّهِ وَلَا يَطْهُرُونَ مَوْطِئًا يَغْيِظُ الْكُفَّارَ وَلَا يَتَأْلُمُونَ مِنْ عَذْرٍ تَيْنَلًا إِلَّا كُتِبَ لَهُمْ بِهِ عَمَلٌ صَلِحٌ إِنَّ

الَّهُ لَا يُضِيعُ أَجْرَ الْمُحْسِنِينَ ⑯